



"REGIONALNA DEPONIJ A MOŠĆANICA" d.o.o. Zenica
Moščanica bb., 72000 Zenica, BiH
Tel:032/446-360, Fax: 032/446-634,
Web: www.rdm.ba; e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

GRAD ZENICA

Služba za komunalne poslove i ekologiju
- Za Gradsko Vijeće Zenica -

I N F O R M A C I J A

O POSLOVANJU PRIVREDNOG DRUŠTVA "REGIONALNA DEPONIJ A MOŠĆANICA" D.O.O. ZENICA U 2015.GODINI

Zenica, mart 2016.godine

SADRŽAJ

1. OSVRT NA ODLUKU O OSNIVANJU, REALIZACIJU FUNKCIJE ZA KOJU JE JAVNO PREDUZEĆE OSNOVANO I ZAPOSLENOST.....	2
1.1 Odluka o osnivanju Društva.....	2
1.2 Realizacija funkcije Društva.....	2
1.3 Organizaciona struktura Društva i zaposlenost.....	3
2. FINANSIJSKO POSLOVANJE U 2015. GODINI UZ OBRAZLOŽENJE REZULTATA POSLOVANJA.....	5
2.1 Finansijski rezultat poslovanja u 2015.godini.....	5
2.2 Obrazloženje rezultata poslovanja.....	5
2.3 Finansijski prihodi.....	6
2.3.1 Struktura finansijskih prihoda.....	7
2.4 Finansijski rashodi.....	9
3. ODLOŽENE KOLIČINE OTPADA.....	10
3.1 Odložene količine komunalnog otpada.....	10
3.2 Odložene količine neopasnog industrijskog otpada, građevinskog otpada, zemlje i kamene sitniježi.....	12
3.3 Izdvojene količine korisnog materijala iz dopremljenog otpada.....	12
4. Izvještaj o radu Direktora u 2015.godini (u prilogu).....	13
5. Izvještaj o radu Nadzornog odbora u 2015.godini (u prilogu).....	13
6. Izvještaj ovlaštenog revizora za 2015.godinu (u prilogu).....	13
7. PLAN POSLOVANJA za 2016.godinu (u prilogu)	14
7.1 Plan investicionih ulaganja u 2015.godini.....	14
8. ZAKLJUČAK.....	15

1. OSVRT NA ODLUKU O OSNIVANJU, REALIZACIJU FUNKCIJE ZA KOJU JE JAVNO PREDUZEĆE OSNOVANO I ZAPOSLENOST

1.1 Odluka o osnivanju Društva

Privredno društvo "Regionalna deponija Mošćanica" d.o.o. Zenica (u daljem tekstu: Društvo) je formirano na osnovu Odluke o osnivanju društva sa ograničenom odgovornošću, broj: 01-01-5-14311/02, koju je donijelo Vijeće Općine Zenica na svojoj sjednici održanoj 12. septembra 2002. godine ("Službene novine Općine Zenica", broj: 7/02 i 8/03) i upisano je kod registra Društava Kantonalnog suda u Zenici, Rješenjem o upisu broj U/I-3232/02 od 02.10.2002.godine. Društvo je osnovano sa ciljem da vodi poslove oko implementacije projekta izgradnje regionalne sanitarne deponije za bezopasni otpad "Mošćanica", a nakon izgradnje prve faze da izvrši sve potrebne radnje na uspostavi i organizaciji funkcionalne deponije u skladu sa pozitivnim zakonskim propisima.

- Opšti podaci o Društvu -

"REGIONALNA DEPONIJIA MOŠĆANICA" je organizovana kao društvo sa ograničenom odgovornošću, čiji je osnivač i vlasnik Grad Zenica sa 100 % udjelom u osnivačkom ulogu. Skraćeni naziv firme je "RDM" d.o.o. Zenica.

Društvo zastupa direktor, Zukić Emir, dipl.ing.maš.

Nadzorni odbor Društva čine: - Hazbo Ličina, dipl. pravnik,

- Mr. sc. Sedad Dedić, dipl.pravnik i

- Mr. sc. Namir Škaljo, dipl.ing.elektrotehnike.

Sjedište Društva se nalazi na lokaciji Regionalne deponije "Mošćanica", na adresi:

Mošćanica bb., Zenica.

Tel. 032/446-360

Fax. 032/446-634

e-mail: regdepze@bih.net.ba

www.rdm.ba

1.2 Realizacija funkcije Društva

Privredno društvo "Regionalna deponija Mošćanica" d.o.o. Zenica je javno preduzeće koje se bavi zbrinjavanjem čvrstog neopasnog otpada na ekološki prihvatljiv način u skladu sa Zakonom i propisanom tehnologijom. Poslove zbrinjavanja otpada Društvo obavlja na regionalnoj sanitarnoj deponiji "Mošćanica", na koju se doprema otpad sa područja Regije za upravljanje čvrstim otpadom – Zenica, koju čine osam općina iz Zeničko – dobojskog i Srednjobosanskog kantona (Grad Zenica i Općine; Visoko, Travnik, Vitez, Busovača, Zavidovići, Žepče i Novi Travnik). Regija broji oko 400.000 stanovnika.

Regionalna deponija "Mošćanica" omogućava svojim korisnicima da otpad mogu dopremiti svaki dan u periodu od 07.00 do 23.00 sata, ali također, organizacijom rada obezbjeđena je mogućnost da se po potrebi prijem otpada može vršiti u toku svih 24 sata. **U protekloj godini, kao i svih ranijih godina rada Deponije, Društvo je u kontinuitetu pružalo usluge prijema i deponovanja otpada svojim klijentima.** Bitno je naglasiti da primjedbi na rad Društva od strane korisnika usluga Deponije nismo imali.

Rješenjem o registraciji, broj: 043-0-Reg-11-000433 od 22.04.2011.godine izdato od strane Općinskog suda u Zenici je izvršeno usklađivanje djelatnosti sa novom Odlukom o klasifikaciji djelatnosti BiH ("Službene novine FBiH", br.47/10) i proširenje djelatnosti.

Društvo je kao pravni subjekt prema Standardnoj klasifikaciji djelatnosti razvrstano u šifru podrazreda djelatnosti: **38.21 "Obrada i zbrinjavanje neopasnog otpada"**.

Pored poslova oko zbrinjavanja otpada, na RD "Mošćanica" se kontinuirano vrši izdvajanje iskoristivih komponenti iz dopremljenog otpada, kao što su: PET ambalaža, tvrda plastika, staklo, metalni otpad, papir-karton, auto-gume i dr..

Pored osnovne djelatnosti, Društvo je registrovano za obavljanje drugih poslova u unutrašnjem prometu, kao što su; proizvodnja plina i električne energije, zatim djelatnost pripremnih radova na gradilištu, koje uključuje zemljane radove (iskop, nasipanje, niveliranje terena, iskop kanala...), reciklaža metalnih i nemetalnih otpadaka i ostataka, trgovina na veliko hemijskim proizvodima, otpacima i ostacima, prevoz robe u drumskom saobraćaju, prikupljanje i obrada otpadnih voda i ostalog otpada, i dr.

1.3 Organizaciona struktura Društva i zaposlenost

Pravilnikom o organizaciji i sistematizaciji radnih mjesta u Privrednom društvu "Regionalna deponija Mošćanica" d.o.o. Zenica utvrđena je organizacija i struktura radnih mjesta koja je raspoređena po službama i to: služba za tehničke poslove, služba za ekonomsko – finansijske poslove i služba za opšte, pravne i kadrovske poslove u okviru koje djeluje i služba obezbjeđenja.

U cilju racionalizacije troškova poslovanja, rad Društva u 2015.godini je bio organiziran sa 35 radnika. Na poslovima prijema i zbrinjavanja otpada rad je organiziran u dvije smjene. Bitno je također napomenuti, da je objekat Regionalne deponije pod stalnim nadzorom vlastite službe obezbjeđenja, koja pored primarne funkcije na obezbjeđenju objekata i imovine Društva, ima i preventivni nadzor za dojavu i gašenje u slučaju eventualnog izbijanja požara ili nekih drugih neželjenih situacija. Od 35 uposlenih, 18 radnika ima zaključene ugovore o radu na neodređeno vrijeme a sa 17 radnika su zaključeni ugovori o radu na određeno vrijeme, u skladu sa Zakonom o radu. U toku 2015.godine dva radnika su penzionisana.

U tabeli broj 1. dat je prikaz broja radno angažovanih lica u Privrednom društvu "Regionalna deponija Mošćanica" d.o.o. Zenica.

Tabela broj 1. - Broj radno angažovanih lica u "RDM" d.o.o. Zenica na dan 31.12.

	2013.godine	2014.godine	2015.godine
Broj radnika angažovanih po Ugovoru o radu na neodređeno vrijeme	18	19	18
Broj radnika angažovanih po Ugovoru o radu na određeno vrijeme	17	16	17
Broj pripravnika angažovanih po Ugovoru o obavljanju pripravničkog staža		1	
Ukupan broj radnika	35	36	35

Zbog tehnoloških i ekoloških razloga, Društvo je nastavilo sa praksom sezonskog upošljavanja radnika, koja se ogleda u tome da se tokom godine u periodu mjesec april-septembar uposle sezonski radnici na poslovima selekcije otpada i izdvajanja korisnih komponenti.

Prijem sezonskih radnika omogućava nam da pojačamo aktivnosti na izdvajanju korisnih komponenti iz otpada u toku godine kada su količine i vremenski uslovi povoljniji za ovu aktivnost. Pored toga što na ovaj način pomažemo nezaposlenim licima iz lokalne zajednice, ovim aktivnostima „spašavamo“ veliku zapreminu odlagališnog prostora.

Tako je i u 2015.godini, Društvo imalo uposleno sedam (7) sezonskih radnika na selekciji otpada i izdvajanju korisnih komponenti, koji su bili zaposleni u trajanju po tri meseca, a troškovi njihovog upošljavanja su sufinansirani od strane Federalnog zavoda za zapošljavanje.

Od 2010. do 2015.godine Društvo je na ovaj način radno angažovalo ukupno 38 radnika, koji su uglavnom mladi ljudi iz MZ Mošćanica i MZ Tišina.

Politiku zapošljavanja Društvo provodi u skladu sa Protokolom, koje je Vijeće Općine Zenica verificiralo svojim zaključkom broj: 01-05-1-114403 od 24.07.2003.godine, a kojim je određeno da prednost pri zapošljavanju imaju mještani iz Mošćanice.

U tabeli broj 2. dat je tabelarni prikaz strukture radno angažovanih lica u "RDM" d.o.o. Zenica po kvalifikacionoj, spolnoj, nacionalnoj i starosnoj strukturi, te strukturi zaposlenih po penzijskom stažu i strukturi zaposlenih po mjesnim zajednicama koje gravitiraju RD "Mošćanica".

Tabela broj 2.-Struktura radno angažovanih lica u PD "RDM" d.o.o. Zenica na dan 31.12.2015.god.

Kvalifikaciona struktura zaposlenih		Spolna zastupljenost		Starosna struktura zaposlenih		Struktura zaposlenih po penzijskom stažu		Nacionalna struktura zaposlenih		Struktura zaposlenih po mjesnim zajednicama koje gravitiraju RD "Mošćanica"	
		Muškarci	Žene								
Mr. sc	1	1	0	18 – 25 godina	1	do 5 godina	3	Bošnjaci	34	Mošćanica	20
VSS/VII stepen	5	2	3								
VŠS/VI stepen	0	0	0	26 – 35 godina	9	5 – 10 godina	14	Srbi	1	Tišina	4
VKV/V stepen	2	2	0	36 – 45 godina	13	10 – 15 godina	6	Hrvati	0	Dolača	1
SSS/IV stepen	1	1	0	46-55 godina	10	15 – 25 godina	6	Ostali	0	Perin Han	4
KV/III stepen	22	22	0	preko 55 godina	2	25 - 35 godina	5			Sa područja grada Zenice	6
NSS	4	3	1			35 – 40 godina	1				
Ukupan broj zaposlenih u "RDM" d.o.o. Zenica											
35											

2. FINANSIJSKO POSLOVANJE U 2015. GODINI UZ OBRAZLOŽENJE REZULTATA POSLOVANJA

2.1 Finansijski rezultat poslovanja u 2015.godini

Privredno društvo "Regionalna deponija Mošćanica" d.o.o. Zenica je poslovnu 2015.godinu okončalo sa pozitivnim finansijskim rezultatom poslovanja.

Ukupni prihodi u 2015.godini su ostvareni u iznosu od 2.505.798 KM, što je u odnosu na 2014.godinu povećanje za 140.320 KM. Također, ako posmatramo prihode koji su po Planu poslovanja za 2015.godinu planirani u iznosu od 2.313.355 KM i prihode ostvarene u 2015.godini, vidi se da su prihodi veći za 192.443 KM.

S druge strane, ukupni rashodi u 2015.godini su iznosili 2.260.770 KM, što je u odnosu na 2014.godinu povećanje za 115.584 KM. U odnosu na Plan poslovanja za 2015.godinu kojim su rashodi planirani u iznosu od 2.183.355 KM i ostvarene rashode, isti su veći za 77.415 KM.

Društvo je u obračunskom periodu 01.01.-31.12.2015.godine ostvarilo pozitivan finansijski rezultat – bruto dobit u iznosu od 245.028 KM.

U skladu sa Zakonom o porezu na dobit i Uputstvom o sadržaju i načinu podnošenja porezne prijave i poreznog bilansa za utvrđivanje poreza na dobit, Društvo je obračunalo porez na dobit u iznosu od 25.968 KM, nakon čega **ostvarena neto dobit Društva za period 01.01.-31.12.2015. godine iznosi 219.060 KM.**

Tabela broj 3.-Rezultati finansijskog poslovanja "RDM" d.o.o. Zenica u 2015.godini

PRIHODI	2.505.798 KM
RASHODI	2.260.770 KM
Bruto dobit	245.028 KM
Porez na dobit	25.968 KM
NETO DOBIT	219.060 KM

Prijedlog Menadžmenta Društva je da se iskazana neto dobit za 2015.godinu u iznosu od 219.060 KM rasporedi na stavku akumulirane dobiti ovog Društva. Sredstva akumulirane dobiti će se iskoristiti za vraćanje anuiteta kredita Svjetske banke broj: 3672 BOS i 3672-1 BOS, kao i za projekte koji se namjeravaju realizirati u ovoj godini.

2.2 Obrazloženje rezultata poslovanja

Planom poslovanja Društva za 2015.godinu planirana dobit Društva je bila 130.000 KM, koliko iznose oprihodovana grant sredstva koje je Društvo obezbjedilo od strane različitih domaćih i međunarodnih institucija koje su učestvovala u sufinansiranju izgradnje Sanitarne deponije i nabavke neophodne opreme. Na kraju poslovne godine je ipak iskazana nešto veća dobit od planirane i ona iznosi 219.060 KM. Razlog pojavljivanja nešto veće dobiti od planirane je u činjenici da je Društvo, s jedne strane, ostvarilo veće prihode u odnosu na planirane, a sa druge strane kroz neostvarivanje određenih rashoda i "domaćinskim" odnosom prema troškovima i ostalim parametrima poslovanja.

Povećanje u dopremi komunalnog i neopasnog industrijskog otpada, kao i određene donacije (grant sredstva), koje su Društvu dodijeljene su faktori koji su uticali na povećani prihod, a koji se nisu mogli predvidjeti u vrijeme donošenja Plana poslovanja za 2015.godinu.

Također, menadžment je svakodnevno pratio rast prihoda i sa istim usklađivao rashode kako bi održao likvidnost Društva i ostvario pozitivno finansijsko poslovanje, što je na kraju ove izvještajne poslovne godine i postignuto. **Važno je istaći činjenicu da je Društvo izvršilo svoju javnu funkciju odnosno da je zbrinulo sav dopremljeni otpad i pri tome zadržalo nepromijenjenu cijenu odlaganja otpada.**

2.3 Finansijski prihodi

U strukturi ostvarenih prihoda, najveći dio prihoda Društvo ostvaruje iz svoje osnovne djelatnosti kroz fakturisanje izvršenih usluga za odlaganje komunalnog otpada i neopasnog industrijskog otpada. Pored toga, prihodi se ostvaruju i prodajom iskoristivih komponenti iz otpada, PET ambalaže, kartona, željeza, tvrde plastike, koje izdvajamo iz otpada, baliramo i prodajemo na tržištu. U strukturi prihoda je prikazan i dio oprihodovanih grant sredstava koje je Društvo obezbjedilo od strane različitih domaćih i međunarodnih institucija.

Razlozi za ostvarivanje većih prihoda od planiranih su sljedeći:

- ✓ Povećana je doprema komunalnog otpada za 1.949,28 tona u odnosu na Plan što je uvećalo prihode za 89.082,10 KM,
- ✓ Povećana je doprema industrijskog otpada u količini od 256,33 tone od planiranog. Od planiranih 60.000 KM po osnovu deponovanja industrijskog otpada ostvareno je 136.115 KM, što je za 76.115 KM više u odnosu na Plan,
- ✓ Prihodi od prodaje izdvojenih korisnih materijala iz otpada su smanjeni. Društvo je od prodaje korisnih materijala izdvojenog iz otpada ostvarilo prihod od 48.169,44 KM i oni su niži za 11.830,56 KM u odnosu na Plan. Razlog za ovo smanjenje je poremećaj na tržištu reciklabilnih materijala koje je uzrokovao pad cijena nafte na tržištu čije cijene se vezuju sa cijenama reciklabilnih materijala, te s toga mnogi otkupljivači reciklabilnih materijala su smanjili količine otkupa tih materijala.
- ✓ Oprihodovana grant sredstva se sastoje od grant sredstava Vlade Federacije BiH u iznosu od 130.000 KM koja su uložena u izgradnju i opremanje Deponije. Oprihodovanje ovih sredstava se vrši sukcesivno, na način da se od ukupnog iznosa amortizacije za godišnji obračunski period oprihoduje iznos od oko 16 % jer je u istom omjeru, u odnosu na kreditna sredstva Svjetske banke, Vlada Federacije BiH participirala u finansiranju izgradnje Deponije, a što je u skladu sa Međunarodnim računovodstvenim standardom broj 20 (MRS 20). Na kraju poslovne godine oprihodovani iznos grant sredstava Vlade Federacije BiH se uvrsti u ukupne prihode i na njega plati porez na dobit. Na taj način Društvo značajno ne opterećuje svoje finansijsko poslovanje. Pored toga, oprihodovana su i dio grant sredstava švedske razvojne agencije "SIDA" za donirani teleskopski viljuškar, te grant sredstva Vlade Federacije BiH i Fonda za zaštitu okoliša Federacije BiH za projekat nadogradnje kasete prve faze. Zbog oprihodovanja naprijed navedenih grant sredstava prihodi su porasli sa planiranih 130.000 KM na 162.088 KM što je povećanje za 32.088 KM.

- ✓ U toku 2015.godine, Društvo se uključilo u program zapošljavanja osoba bez radnog iskustva koji je sufinansiran od strane Federalnog zavoda za zapošljavanje na način da je Zavod izmirio obaveze za doprinose dok je Društvo isplatilo neto plaće za četiri "sezonska radnika", koji su radili tri mjeseca. U tom smislu, iznos od 5.380,30 KM predstavlja prihode od sredstava kojima je Federalni zavod za zapošljavanje učestvovao u sufinansiranju rada navedenih osoba.

2.3.1 Struktura finansijskih prihoda

Ključni parametri koji utiču na visinu cijene deponovanja otpada odnosno na finansijski rezultat poslovanja Društva su dopremljene količine komunalnog otpada i troškovi poslovanja.

Na količinu dopremljenog otpada odnosno prihoda koji nastaju po tom osnovu, Društvo ne može direktno da utiče. To najviše ovisi od tehničko-finansijskih mogućnosti općina da otpad koji se produkuje na njihovom području prikupe i dopreme na Regionalnu deponiju. U tom smislu nastojimo da ostvarimo povećanje prihoda iz drugih aktivnosti kao što je izdvajanje reciklabilnih materijala iz otpada i njihova prodaja na tržištu, te prihode od deponovanja industrijskog neopasnog otpada.

U tabeli broj 4. je prikazana struktura ostvarenih prihoda u 2015.godini.

Tabela broj: 4. - Struktura ostvarenih prihoda

R/ br.	Vrsta prihoda	Iznos u (KM) bez PDV-a
1	Miješani komunalni otpad	2.147.809
2	Industrijski neopasni otpad	136.115
3	Prodaja iskoristivih materijala	48.169
4	Oprihodovana grant sredstva (Vlada F BiH, SIDA, Fond za zaštitu okoliša F BiH)	162.088
5	Refundirane plate (sezonski radnici, bolovanje)	5.380
6	Nerazvrstani građevinski otpad	3.815
7	Prihodi od tenderske dokumentacije	1.077
8	Najam rolo kontejnera	1.200
9	Kamate	145
	UKUPNO:	2.505.798

Također, Društvo je u toku 2015.godine apliciralo na Javne pozive za dodjelu grant sredstava za sufinansiranje projekta izgradnje sistema za otplinjavanje kasete za odlaganje otpada prve faze sa bakljom kod Fonda za zaštitu okoliša Federacije BiH, Federalnog ministarstva okoliša i turizma i Ministarstva za prostorno uređenje, promet i komunikacije i zaštitu okoline Zeničko-dobojskog kantona. Podnesene aplikacije su prihvaćene i sredstva su odobrena u iznosima, kako slijedi:

- Fond za zaštitu okoliša Federacije BiH je odobrilo iznos od 40.000 KM,
- Federalno ministarstvo okoliša i turizma je odobrilo iznos od 19.178 KM i
- Ministarstvo za prostorno uređenje, promet i komunikacije i zaštitu okoline Zeničko-dobojskog kantona je odobrilo iznos od 40.000,00 KM.

Međutim, ova sredstva u 2015.godini nisu uplaćena Društvu te će ista biti evidentirana kao prihod u 2016. godini.

U tabeli broj 5. su prikazani podaci o planiranim i deponovanim količinama komunalnog otpada, te podaci o planiranim i ostvarenim prihodima od deponovanih količina komunalnog otpada u odnosu na Plan poslovanja "RDM" d.o.o. Zenica za 2015.godinu.

Tabela broj: 5. - Pregled planiranih i ostvarenih veličina u odnosu na Plan poslovanja "RDM" d.o.o. Zenica za 2015.godinu

R/br.	Miješani komunalni otpad			
1.	Planirane količine	45.150 tone	Planirani iznos prihoda	2.063,355 KM
2.	Ostvarene količine	47.099,28 tona	Ostvareni iznos prihoda	2.147.809 KM
3.	Prebačaj u dopremi	+ 1.949,28 tona	Ostvareni višak prihoda u odnosu na Plan	+ 84.454 KM

U tabeli broj 6. su prikazani podaci o planiranim i deponovanim količinama industrijskog neopasnog otpada, te podaci o planiranim i ostvarenim prihodima od deponovanih količina industrijskog neopasnog otpada u odnosu na Plan poslovanja "RDM" d.o.o. Zenica za 2015.godinu.

Tabela broj: 6. - Pregled planiranih i ostvarenih veličina u odnosu na Plan poslovanja "RDM" d.o.o. Zenica za 2015.godinu

R/br.	Industrijski neopasni otpad			
1	Planirane količine	2.800 tona	Planirani iznos prihoda	60.000 KM
2	Ostvarene količine	3.056,33 tona	Ostvareni iznos prihoda	136.115 KM
3	Prebačaj u dopremi	256,33 tona	Ostvareni višak prihoda u odnosu na Plan	76.115 KM

U tabeli broj 7. su prikazani podaci o planiranim i ostvarenim prihodima od prodaje izdvojenih iskoristivih komponenti iz otpada u odnosu na Plan poslovanja "RDM" d.o.o. Zenica za 2015.godinu

Tabela broj: 7. – Pregled planiranih i ostvarenih prihoda od prodaje izdvojenih iskoristivih komponenti iz otpada u odnosu na Plan poslovanja "RDM" d.o.o. Zenica za 2015.g.

R/br.	Iskoristivi materijali iz otpada	
1	Planirani iznos prihoda od prodaje	60.000,00 KM
2	Ostvareni iznos prihoda od prodaje	48.169,44 KM
3	Ostvareni manjak prihoda od prodaje u odnosu na Plan	11.830,56 KM

Što se tiče prodaje iskoristivih materijala (PET ambalaža, tvrda plastika, papir-karton, metal), Društvo nastoji ostvariti njihovu prodaju po najpovoljnijim cijenama. Međutim, zbog poremećaja na tržištu reciklabilnih materijala, koje je uzrokovano padom cijena nafte, mnogi otkupljivači reciklabilnih materijala su smanjili količine i cijene otkupa tih materijala. To je osnovni razlog ostvarenog manjka prihoda od prodaje ovih materijala u odnosu na Plan.

2.4 Finansijski rashod

Planom poslovanja "RDM" d.o.o. Zenica za 2015.godinu planirani su rashodi u iznosu od 2.183.355 KM, a isti su ostvareni u iznosu od 2.260.770 KM, što je više za 77.415 KM. Neki rashodi su ostvareni u većem iznosu od planiranog, dok neki nisu uopšte ostvareni ili su ostvareni u manjem iznosu od planiranog. Razlozi za ostvarivanje većih rashoda u odnosu na planirane su što je Društvo imalo vanredne rashode to jest utrošak sredstava eko rente za projekat sanacije puta i sanaciju nekategorisanog puta u MZ Mošćanica u ukupnoj vrijednosti od 97.848,29 KM a sve prema Protokolu zaključenim između Grada Zenica i MZ Mošćanica.

Također, bitno je naglasiti da se pojedini troškovi nisu realizovali, kao što je npr; nabavka materijala za prekrivku otpada na kasetama što je donijelo uštede u iznosu od 15.000,00 KM. Pored toga, jedan dio obaveza je manji u odnosu na Plan zbog ušteta koje se konstantno provode, kao što je utrošak plina "propan butan" za zagrijavanje prostorija upravne zgrade, potrošnja HTZ opreme, sitnog inventara, uštete napravljene u predviđenim stavkama izdvajanja za monitoring uticaja na okoliš, PTT usluge, troškovi osiguranja, troškovi službenog putovanja i reprezentacije i slično. Zatim, uštete na održavanju i izgradnji internih saobraćajnica i održavanju kruga Deponije, te smanjenje cijena goriva na svjetskom tržištu što je donijelo uštete u iznosu od oko 40.000,00 KM. Trošak na plaće i naknada plaća je manji za oko 10.000,00 KM zbog odlaska dva uposlenika u penziju te provedenih mjera štednje.

U tabeli broj 8. je prikazana struktura ostvarenih rashoda u 2015.godini:

Tabela broj: 8. - Struktura ostvarenih rashoda

R/br.	Vrsta rashoda	Iznos u (KM)
1.	Amortizacija	829.880
2.	Troškovi plaća i naknada zaposlenim	713.918
3.	Nematerijalni troškovi	210.324
4.	Troškovi ostalih primanja, naknada i prava zaposlenih	135.939
5.	Ostali finansijski rashodi	130.992
6.	Materijalni troškovi	99.836
7.	Troškovi proizvodnih usluga	93.039
8.	Negativne kursne razlike	28.440
9.	Troškovi naknada ostalim fizičkim licima	18.281
10.	Gubici od prodaje i rashodovanja ostalih stalnih sredstava	120
UKUPNO:		2.260.769

I u 2015.godini bio je očigledan umanjen potencijal općina korisnica usluga Deponije i njihovih operatera da redovno plaćaju svoje obaveze prema Društvu. Zahvaljujući, redovnim izmirenjem obaveza od strane Grada Zenica, kao najvećeg korisnika usluga Deponije, Društvo uspjeva redovno izmirivati svoje obaveze prema povjeriocima.

Kada je u pitanju naplata potraživanja može se zaključiti da je ona bolja u odnosu na ranije godine. To je rezultat svakodnevnih aktivnosti menadžmenta Društva i komunikacije sa dužnicima uvažavajući i njihovo finansijsko stanje. U tom smislu su održavani sastanci i postizani dogovori sa predstavnicima općina Vitez i Travnik, što je polučilo rezultate u naplati potraživanja. S tim u vezi zaključili smo Protokole o dinamici izmirenja obaveza sa ovim Općinama. Kao rezultat ovih aktivnosti očekujemo povećani stepen naplate potraživanja, koja bi nam uveliko pomogla da realizujemo planirane investicije u 2016.godini.

Društvo je u 2015.godini uredno izmirivalo svoje obaveze prema državnim organima (porezi, doprinosi, takse, naknade i dr.), zatim prema zaposlenim (plaće, topli obrok, regres za godišnji odmor i druge naknade u skladu sa Zakonom o radu i Kolektivnim ugovorom), dobavljačima, konsultantima i dr., tako da po ovom osnovu nema dugovanja.

3. ODLOŽENE KOLIČINE OTPADA

3.1 Odložene količine komunalnog otpada

Plan poslovanja Privrednog društva "Regionalna deponija Mošćanica" d.o.o. Zenica za 2015.godinu je izrađen najvećim dijelom na osnovu ostvarenih parametara iz prethodnih godina. Doprema otpada na Deponiju je osnovni faktor koji utiče na finansijske prihode Društva, a u 2015.godini se ona odvijala uglavnom u skladu sa planiranom dinamikom.

Plan pružanja usluga deponovanja otpada po korisnicima je izrađen na osnovu podataka o količinama otpada koje se iz općina, korisnika usluga Deponije, realizovao u ranijem periodu.

U tabeli br. 9. dat je pregled planiranih i dopremljenih količina komunalnog otpada na Regionalnu deponiju "Mošćanica" tokom 2015. godine po korisnicima usluga.

Tabela broj 9.– Planirane i dopremljene količine komunalnog otpada na RD "Mošćanica" u 2015.god.

R/ br.	Naziv korisnika usluga	Planirane količine komunalnog otpada za period 01.01.- 31.12.2015.god. u (t)	Dopremljene količine komunalnog otpada u periodu 01.01.- 31.12.2015.god. u (t)	Dopremljene količine komunalnog otpada u odnosu na Plan u (t)	Ostvarenje Plana u (%)
1.	Grad Zenica	25.752	26.233,18	+ 481,18	101,86 %
2.	Općina Visoko	7.500	8.337,73	+ 837,73	111,16 %
3.	Općina Travnik	6.000	6.279,23	+ 279,23	104,65 %
4.	Općina Vitez	3.300	3.449,01	+ 149,01	104,51 %
5.	Općina Busovača	1.296	1.341,14	+ 45,14	103,48 %
6.	Općina Žepče	756	769,75	+ 13,75	101,81 %
7.	Općina Zavidovići	300	359,60	+ 59,60	119,86 %
8.	Ostali korisnici: KPZ Zenica i dr.	252	329,64	+ 77,64	130,80 %
UKUPNO:		45.150	47.099,28	1.949,28	104,30 %

Za period od 01.01. do 31.12.2015.godine planirano je ukupno deponovati 45.150 tona komunalnog otpada, dok je u ovom periodu na Deponiju dopremljeno 47.099,28 tona komunalnog otpada, što je za 1.949,28 tona komunalnog otpada više u odnosu na Plan tj. procenat realizacije Plana je 104,30 % dopremljenih količina komunalnog otpada.

Plan je ostvaren, prvenstveno, zahvaljujući tome da se sav otpad prikupljen na području Grada Zenica i Općina Visoko, Travnik, Vitez i Busovača doprema na Regionalnu deponiju "Mošćanica". Općine Žepče i Zavidovići za sada u simboličnim količinama, u odnosu na realne količine koje se prikupe, dopremaju otpad na Deponiju "Mošćanica". Za očekivati je da će i ove Općine kada počnu proces sanacije i zatvaranja svojih odlagališta otpada, dopremati sav prikupljeni otpad na Regionalnu deponiju "Mošćanica".

I pored ostvarivanja dobrih rezultata kada je u pitanju realizacija plana odlaganja otpada na RD "Mošćanica", nažalost, činjenica je da u svim općinama ogromne količine otpada završavaju na tzv. divljim deponijama pored puteva, na obalama rijeka i dr.

U tabeli broj 10. dati su podaci o ukupno dopremljenim količinama komunalnog otpada na RD "Mošćanica" u periodu od početka njenog rada 05.06.2008.godine do 31.12.2015.godine.

Tabela broj 10. – Pregled dopremljenih količina komunalnog otpada na RD "Mošćanica" za period 05.06.2008.-31.12.2015.godine

OPĆINA	Dovezene količine komunalnog otpada u - (t)								UKUPNO
	05.06.-31.12.2008.g.	2009.g.	2010.g.	2011.g.	2012.g.	2013.g.	2014.g.	2015.g.	
ZENICA	9.512,57	21.680,05	20.873,63	22.906,86	25.276,30	25.224,34	26.320,62	26.233,18	178.027,55
VISOKO	181,18	1.036,67	7.463,86	7.282,21	7.574,98	7.459,63	7.615,22	8.337,73	46.951,48
TRAVNIK	739,61	4.198,08	6.075,32	5.935,66	6.019,72	5.837,21	5.998,21	6.279,23	41.083,04
BUSOVAČA	647,61	1.184,08	1.194,24	1.081,44	479,37	1.143,67	1.288,94	1.341,14	8.360,49
VITEZ	0	0	0	0	0	960,87	3.212,00	3.449,01	7.621,88
ŽEPČE	27,54	318,74	613,92	560,73	417,97	674,77	749,80	769,75	4.133,22
ZAVIDOVIĆI	0	0	0	0	0	0	104,57	359,60	464,17
OSTALI KORISNICI: KPZ Zenica, Alba Zenica...	702,18	333,47	859,27	1.216,90	259,27	270,41	275,04	329,64	4.246,18
U K U P N O	11.810,69	28.751,09	37.080,24	38.983,80	40.027,61	41.570,90	45.564,40	47.099,28	290.888,01

3.2 Odložene količine neopasnog industrijskog otpada, građevinskog otpada, zemlje i kamene sitnježi

Društvo ima potpisane ugovore o odlaganju neopasnog industrijskog otpada sa nekoliko privrednih subjekata, kao što su: "Prevent BH" d.o.o. Visoko, "Prevent Leather Sarajevo" d.o.o. Visoko, "Prevent Fabrics" d.o.o. Visoko, "AFOZ" d.o.o. Travnik, "Eko-industrijski otpad ZIZI" d.o.o. Travnik, "Cimos tmd Casting" d.o.o. Zenica, "Alba Zenica" d.o.o.. Pored toga, Društvo zaprima neopasni industrijski otpad i od drugih subjekata koji povremeno u vlastitoj režiji dopreme otpad na Deponiju. Radi se o dopremi i odlaganju tekstilnog otpada, sitnog plastičnog otpada, livačkog pjeska i dr., koji se proizvodi u procesu industrijske proizvodnje, a koji po svom sastavu i osobinama se, u skladu sa Pravilnikom o kategorijama otpada sa listama ("Službene novine FBiH", broj: 09/05), svrstava u kategoriju neopasnog otpada. U protekloj godini na Regionalnoj deponiji "Mošćanica" je odloženo 3.056,33 tona ove vrste otpada.

U tabeli broj 11. dat je pregled odloženih količina neopasnog industrijskog otpada na Regionalnu deponiju "Mošćanica" tokom 2015. godine

Tabela broj 11. Odložene količine neopasnog industrijskog otpada na RD "Mošćanica" u 2015.g

R /br.	Vrste otpada	Odložene količine u (t)
1.	Livački pjesak	830,95
2.	Industrijski otpad	632,96
3.	Balirani tekstilni otpad	1.062,78
4.	Prerađeni kožni otpaci	529,64
U K U P N O :		3.056,33

Pored toga, na Regionalnu deponiju "Mošćanica" je odloženo 482,92 tone građevinskog otpada i 1.304,73 tona zemlje od iskopa i kamene sitnježi.

3.3 Izdvojene količine korisnog materijala iz dopremljenog otpada

Izgradnja kasete za odlaganje otpada je veoma skup projekat. Zbog toga, u cilju produženja radnog vijeka za eksploataciju Deponije, kao i zbog ispunjenja zakonske obaveze, te iz ekoloških i ekonomskih razloga, Društvo je od samog početka rada Deponije organiziralo vršenje poslova selekcije i izdvajanja korisnog materijala iz dopremljenog otpada (papir, karton, PET ambalaža, metali, tvrda plastika, obojeni i bijeli najlon, drvo, staklo i dr.).

U periodu od početka rada Deponije 05.06.2008. do 31.12.2015.godine na Regionalnoj deponiji "Mošćanica" iz dovezenih količina otpada je izdvojeno 1.350,83 tona korisnog materijala koji je putem tržišta vraćen u reciklažu. Od toga, u ovom periodu je izdvojeno 702,18 tona PET ambalaže, zatim 463,40 tona kartona (papira), 140,85 tona tvrde plastike, te 44,40 tona otpadnog metala. Procjenjujemo da je Društvo sa ovim količinama izdvojenog materijala uštedilo cca **31.564,99 m³** zapremine odlagališnog prostora. Pored toga, u istom periodu na Deponiji je izdvojeno 29.484 komada otpadnih guma (automobilske, traktorske, kamionske), kao i određenih količina drvenog kabastog otpada i sl., čije količine nisu utvrđene vaganjem.

Od toga, u toku 2015.godine iz dovezenih količina otpada je izdvojeno 183,40 tona korisnog materijala, i to: 95,71 tonu PET ambalaže, zatim 69,41 tonu kartona/papira, 13,11 tona tvrde plastike, te 5,17 tona otpadnog metala za potrebe reciklaže, kao i 1.953 komada otpadnih guma. Sav ovaj materijal je plasiran na tržište i vraćen u proces reciklaže kao sirovina za dobijanje različitih recikliranih proizvoda. Od izdvojenih količina korisnog otpada u 2015.godini ostvaren je neto prihod u iznosu od 48.169,44 KM.

Tabela broj 12. – Pregled količina izdvojenih korisnih komponenti iz dopremljenog otpada

Vrsta otpada	Godina								Ukupna količina	Ušteda odlagališnog prostora (m ³)
	2008.	2009.	2010.	2011.	2012.	2013.	2014.	2015.		
PET ambalaža	15,05 t	64,26 t	83,70 t	133,15 t	123,79 t	87,69 t	98,83 t	95,71 t	702,18 t	27.033,93 m³
Karton/papir	4,17 t	49,00 t	66,75 t	52,33 t	52,71 t	81,32 t	87,71 t	69,41 t	463,40 t	579,25 m³
Tvrda plastika	27,32 t	11,14 t	15,32 t	20,57 t	15,38 t	19,66 t	18,35 t	13,11 t	140,85 t	2.619,81 m³
Metal	5,53 t	6,46 t	6,60 t	5,42 t	4,69 t	7,46 t	3,07 t	5,17 t	44,40 t	1.332,00 m³
Gume		5.620 kom.	5.650 kom.	5.829 kom.	3.404 kom.	4.055 kom.	2.973 kom.	1.953 kom.	29.484 kom.	-----
Ušteda zapremine odlagališnih kaseti: 31.564,99 m³										

Napomena: Podatak o uštedi zapremine odlagališnih kaseti je dobijen procjenom na osnovu mjerenja koja su rađena na Deponiji. U ovu procjenu nije uzeta u obzir ušteda odlagališnog prostora nastala izdvajanjem guma, jer je dio guma izdvojen iz komunalnog otpada na odlagališnim kasetama, a dio, kada se one posebno dovezu se odmah skladište na posebno mjesto u krugu Deponije. Pored navedenih vrsta otpada, izdvojene su i određene količine drugih korisnih komponenti iz otpada, kao što su; drvo, staklo i dr., čije količine nisu utvrđene vaganjem, ali njihovo izdvajanje također doprinosi uštedi u zapremini odlagališnih kaseti.

4. IZVJEŠTAJ O RADU DIREKTORA

Izveštaj o radu Direktora Privrednog društva "Regionalna deponija Mošćanica" d.o.o. Zenica za 2015.godinu dat je posebno u prilogu ove Informacije.

5. IZVJEŠTAJ O RADU NADZORNOG ODBORA

Izveštaj o radu Nadzornog odbora Privrednog društva "Regionalna deponija Mošćanica" d.o.o. Zenica za 2015.godinu dat je posebno u prilogu ove Informacije.

6. IZVJEŠTAJ OVLAŠTENOG REVIZORA

Reviziju finansijskih izvještaja Privrednog društva "Regionalna deponija Mošćanica" d.o.o. Zenica za 2015.godinu je izvršila ovlaštena revizorska kuća "REVIZIJA SOFTIĆ" d.o.o. Zenica.

U Izvještaju je istaknuto mišljenje revizije da finansijski izvještaji za 2015.godinu u svim materijalno značajnim aspektima prikazuju, objektivno i realno, finansijski položaj Privrednog društva "Regionalna deponija Mošćanica" d.o.o. Zenica, na dan 31.12.2015.godine.

S tim u vezi, u prilogu je dostavljen kompletan finansijski izvještaj revizora za 2015.godinu, uz zapisnik sa 21. sjednice Nadzornog odbora na kojoj je isti razmatran i jednoglasno usvojen.

7. PLAN POSLOVANJA ZA 2016.GODINU

Nadzorni odbor je na svojoj 19. sjednici održanoj dana 22.12.2015.godine razmatrao i usvojio prijedlog Plana poslovanja Društva za 2016.godinu.

Plan poslovanja Društva za 2016.godinu je izrađen najvećim dijelom na osnovu ostvarenih parametara iz prethodnog perioda. Planom poslovanja je predviđeno da Društvo na kraju 2016.godine ostvari dobit u iznosu od 140.000,00 KM. Planirana dobit predstavlja dio oprihodovanih grant sredstava Vlade Federacije BiH kojima je Vlada participirala u izgradnji objekata i nabavci opreme na Regionalnoj deponiji "Mošćanica". To praktično znači, da bi Društvo trebalo ostvarenim prihodima pokriti sve rashode i na kraju godine biti bez stvarne dobiti u smislu ostvarenih novčanih sredstava. Ovaj princip će se pokušati i ove godine ostvariti uz zadržavanje trenutne cijene za odlaganje komunalnog otpada od 45,70 KM/t bez PDV-a. Planirano je da se u narednoj godini deponira 49.100 tona otpada, od čega je 46.300 tona komunalnog otpada, a 2.800 tona industrijskog neopasnog otpada. U odnosu na Plan za 2015.godinu to je povećanje za 1.150 tona komunalnog otpada, a količine industrijskog neopasnog otpada su planirane na istom nivou kao i u 2015.godini.

Prihodi Društva za 2016.godinu su planirani u iznosu od 2.375.910 KM, a isti bi se trebali ostvariti po osnovu usluga deponovanja komunalnog i industrijskog neopasnog otpada, zatim od prodaje izdvojenih iskoristivih materijala iz otpada, kao i oprihodovanjem dijela grant sredstava Vlade Federacije BiH. U odnosu na Plan za 2015.godinu, u 2016.godini je planirano povećanje prihoda za 62.555 KM, koji bi se trebali realizirati uglavnom kroz povećanu dopremu otpada.

Troškovi poslovanja u 2016.godini su planirani u iznosu od 2.235.910 KM i u odnosu na Plan za 2015.godinu isti su veći za 52.565 KM. U njihovoj strukturi su planirana sredstva za plaćanje četiri anuiteta kredita Svjetskoj banci u ukupnom iznosu od 835.000 KM, kao i troškovi servisiranja ovih kredita u iznosu od 88.910 KM, a koji dospijevaju na naplatu 15.04.2016. i 15.10.2016. godine. Također, u Plan za 2016.godinu smo ukalkulisali i obaveze prema Gradu Zenica na ime naknade za korištenje gradskog građevinskog zemljišta (KGZ) u iznosu od 93.600 KM.

7.1. Plan investicionih ulaganja u 2016.godini

Od značajnijih investicija u 2016.godini, Društvo planira investirati u izradu Idejnog i Glavnog projekta izgradnje druge faze odlagališnih kasete u vrijednosti od 250.000 KM i nabavku drobilice kamena u vrijednosti oko 100.000 KM.

Tabela broj 13. - Planirane investicije na RD "Mošćanica" u 2016.godini

R/Br.	NAZIV INVESTICIJE	Ukupno
1	Izrada Idejnog i Glavnog projekta izgradnje druge faze odlagališnih kasete	250.000 KM
2	Kašika – drobilica kamena	100.000 KM
	UKUPNO:	350.000 KM

Visina troškova za investiranje u Deponiju je određena procjenom i planirana je u iznosu od 350.000 KM. Društvo planira iz sredstava ostvarenih prihoda investirati u izradu Idejnog i Glavnog projekta izgradnje druge faze odlagališnih kaset. Naime, s obzirom na dostignutu dinamiku dovoza otpada iz općina Regije već sada se mora početi sa pripremom projektne dokumentacije za izgradnju kaset **druge faze** deponije. U tom smislu potrebno je na osnovu već sačinjenog Projektnog zadatka izraditi Idejni i Glavni projekat odlagališnih kaset druge faze sa pripadajućom infrastrukturom. Za ovu fazu je namijenjen prostor od 8 ha površine u krugu Deponije na kojoj će se u fazama "kasete po kasete" graditi nove kasete za odlaganje otpada sa pripadajućom infrastrukturom. Investiciona ulaganja će se vršiti iz raspoloživih tekućih sredstava Društva, koja će se pokušati obezbjediti kroz naplatu potraživanja od korisnika usluga Deponije, te dijelom iz donatorskih sredstava Fondova za zaštitu okoliša Federacije BiH, Zeničko-dobojskog kantona i Ministarstva okoliša i turizma FBiH.

Što se tiče nabavke kašike za drobljenje kamena, građevinskog otpada i sl. sa brzom spojnicom ova investicija je već realizirana. Društvo je provelo postupak javne nabavke i zaključilo ugovor sa izabranim dobavljačem o isporuci drobilice. Radi se o priključku koji se može montirati na bager kojim Društvo raspolaže. Nabavkom ove kašike, ublažiti ćemo problem obezbjeđenja inertnog materijala za izgradnju privremenih saobraćajnica na Deponiji.

Pored ovih projekata, Društvo ima spremne i druge projekte za koja ćemo pokušati obezbjediti donatorska sredstva u narednom periodu.

U prilogu je dostavljen Plan poslovanja Privrednog društva "Regionalna deponija Mošćanica" d.o.o. Zenica za 2016.godinu.

8. ZAKLJUČAK

Privredno društvo "Regionalna deponija Mošćanica" d.o.o. Zenica je poslovnu 2015.godinu uspješno realizovalo, te je u potpunosti opravdalo svoju ulogu i postiglo sasvim zadovoljavajući uspjeh u ekonomskom i tehničkom smislu. Plan je ostvaren zahvaljujući povećanju količina deponovanog otpada i izdvajanju reciklažnog materijala iz otpada.

Društvo je tokom prethodne godine kontinuirano pružalo usluge svojim korisnicima, te time izvršilo povjerenu mu funkciju. Na kraju poslovne godine, uz održanje cijene usluga, ostvaren je pozitivan finansijski rezultat, tako da je Društvo povećalo svoj kapital u stavci akumulirana dobit. Sredstva akumulirane dobiti će se iskoristiti za vraćanje kreditnih anuiteta i za faznu izgradnju Deponije uključujući realizaciju projekata izrade Idejnog i Glavnog projekta za izgradnju kasete druge faze.

Prošla godina obilježena je početkom radova na realizaciji projekta izgradnje sistema za otplinjavanje kasete za odlaganje otpada na Regionalnoj deponiji "Mošćanica" sa bakljom, a čiji završetak radova će se desiti u prvom kvartalu 2016.godine. Sredstva za investiranje u ovaj Projekat su obezbjeđena dijelom iz poslovanja Društva (cca 370.000 KM) i dijelom iz grant sredstva Fonda za zaštitu okoliša FBiH u iznosu od 40.000 KM, Fonda za zaštitu okoliša Zeničko-dobojskog kantona u iznosu od 40.000 KM i Federalnog ministarstva okoliša i turizma u iznosu od 19.182 KM.

Društvo je redovno izvršavalo sve svoje finansijske obaveze i bilo je likvidno u svakom trenutku. Posebno treba naglasiti da je Društvo uspjelo u 2015.godini izmiriti četiri anuiteta kredita prema Svjetskoj banci, kao i redovno servisirati prateće troškove kredita.

Radom Regionalne deponije "Mošćanica" ispunjena je funkcija na zaštiti i unaprijeđenju životne okoline u Gradu Zenica i drugim općinama Regije koje koriste usluge Deponije, jer su zaprimljene i na okolinski prihvatljiv način zbrinute značajne količine otpada sa njihovog područja. U periodu od 05.06.2008. do 31.12.2015.godine na Regionalnu deponiju je zaprimljeno **290.888,01 tona** komunalnog otpada, koji je zbrinut u skladu sa Zakonom i ekološkim standardima.

Ekološki pokazatelji rada Deponije su pod stalnim monitoringom kroz redovno praćenje najvažnijih parametara životne sredine. Društvo uredno izvršava svoje obaveze zadate Okolinskom dozvolom. Svi izvještaji do sada su pokazali da ova Deponija nema negativnog uticaja na okoliš.

Na Regionalnoj deponiji "Mošćanica" u proteklom periodu rad je bio organiziran i obavljan u skladu sa pozitivnim zakonskim propisima, te su primijenjivane najbolje raspoložive tehnologije za ekološko zbrinjavanje čvrstog neopasnog otpada za ovu vrstu tehnologije zbrinjavanja otpada. Privredno društvo "Regionalna deponija Mošćanica" će i u narednom periodu nastaviti da vrši kontinuirana unapređenja i usklađivanja svojih aktivnosti na Regionalnoj deponiji "Mošćanica" u cilju zaštite i očuvanja okoliša i voditi će računa da svi elementi koji imaju uticaja na okoliš (emisije u zrak, emisije u vodu, upravljanje otpadom, zdravlje i sigurnost radnika, protivpožarna zaštita i dr.) budu usklađeni sa aspektima zaštite okoliša i važećom zakonskom legislativom.

U 2016.godinu smo ušli sa usvojenim Planom poslovanja koji daje realno usmjerenje za nastavak pozitivnog poslovanja. Sa planiranim količinama prikupljenog otpada biće omogućen miran poslovni ambijent i redovno ispunjavanje svih finansijskih obaveza.

Zenica, mart 2016.godine

Direktor Društva

Zukić Emir, dipl.ing.maš.